



通志卷第三十

宋 右廸功郎 鄭樵 漁仲 撰

氏族略第六

同名異實第一

唐氏有二堯之後爲唐周以封晉此晉之唐也伊祁姓  
燮父之後封于唐爲楚所并此楚之唐也姬姓

虞氏有二姚姓之虞舜後也姬姓之虞仲雍之後也

夏氏有二夏后之後以國爲氏陳宣公之子子夏之後

以字爲氏

商氏有二成湯之後爲商衛鞅封商君其後亦爲商

通元卷三  
周氏有五后稷之後爲周氏又姬氏唐先天中避諱改爲周氏又暨氏上元中准制改爲周氏又代北賀魯氏普氏後魏並改爲周氏

秦氏有三秦國爲秦氏魯有秦邑亦爲秦氏秦非是也楚又有秦商

燕氏有二有姬姓之燕有姑姓之燕

管氏有二叔鮮之後以國爲氏出自文王又齊管仲出

自穆王

畢氏有二畢公高之後爲畢後魏出連氏改爲畢

于氏有三周武王之子邰叔之後或去邑爲于氏後魏



萬紐于氏改爲于又淳于氏避唐諱改爲于

胡氏有二周之胡國爲胡氏後魏紇骨氏亦爲胡氏

齊氏有二太公之後以國爲氏衛大夫齊子之後以字爲氏

楚氏有二鬻熊之後以國爲氏魯林楚之後以名爲氏  
陳氏有四舜之後以國爲氏也又白氏隋初改爲陳此  
萬年之陳也又魯相無子以外孫劉矯嗣此廣陵之  
陳也又侯莫陳之後亦改爲陳氏

朱氏有三邾子之後去邑爲朱又渴燭渾氏可朱渾氏  
並改爲朱

婁氏有二邾婁之後也又正婁氏改爲婁氏

兒氏有二郕氏去邑爲兒又賀兒氏亦改爲兒

越氏有三句踐之後以國爲氏又有越彊氏改爲越氏

又有越質詰氏改爲越氏

薛氏有三奚仲之後以國爲氏又叱干氏改爲薛又有

遼西薛氏

沈氏有二沈子逞之後以國爲氏又楚莊王之子公子

正封於沈鹿其後以邑爲氏

徐氏有二若木之後以國爲氏又一族出於黃帝十四

姓

云氏有二邛國之後去邑爲云又後魏牒云氏改爲云  
禹氏有二邛國去邑爲禹又夏禹之後以名爲氏  
宿氏有二風姓之後以國爲氏又有宿六斤氏改爲宿  
羅氏有二妘姓之後以國爲氏又有叱羅氏改爲羅  
夔氏有二熊摯之後以國爲氏又天竺亦有夔氏

夷氏有四夷詭諸之後爲夷氏又逸民夷逸齊大夫夷  
仲年邾大夫夷射姑之後皆以名字爲氏

須氏有二密須之後爲須須句之後亦爲須  
黎氏有三子姓之後以國爲氏又齊大夫黎彌黎且以  
邑爲氏又後魏素稽氏改爲黎氏

通志卷三十  
申氏有二姜姓之後以國爲氏又楚之申邑申公居之  
以邑爲氏

向氏有二祁姓之後以國爲氏又宋公子盼字向以字  
爲氏

葛氏有三嬴姓之後以國爲氏又葛天氏之後亦爲葛  
氏後魏賀葛氏改爲葛

會氏有二鄆國去邑爲氏又會乙之後亦爲會氏

辛氏有三莘氏訛爲辛又計然本姓辛又周有項亶賜  
姓辛氏

呂氏有五姜姓之後以國爲氏又晉有呂氏出於魏氏



又有叱邱氏副呂氏叱呂氏並改爲呂

譚氏有二子爵以國爲氏又巴南六姓有譚氏

冀氏有二冀國之後以國爲氏晉滅冀以爲邑郄氏食之爲冀芮子孫以邑爲氏

鬲氏有二有鬲之國以國爲氏又商人膠鬲以名爲氏顧氏有二顧國夏商諸侯也又句踐之後別封顧余以邑爲氏

共氏有三共者商之侯國也其後以國爲氏鄭公子段曰共叔晉太子申生曰共君並以諡爲氏

龔氏有三恭國籀書作龔又晉大夫龔堅之後也又漢



巴郡蠻酋有龔氏

洪氏有三共氏改爲洪氏又豫章弘氏避唐明皇諱改爲洪

彭氏有六大彭之國爲彭氏祝融之後八姓亦有彭氏者

祭氏有二周公之後以國爲氏又鄭有祭邑祭仲足其後也

毛氏有二毛伯聃之後以國爲氏又有北代之族世爲酋長

劉氏有五堯之後有劉累爲劉氏成王封王季之子於

劉邑亦爲劉漢賜項氏婁氏並爲劉氏又匈奴之族  
從母姓劉

欒氏有二晉欒賓之後姬姓也以邑爲氏齊子欒之後  
姜姓也以字爲氏

荀氏有二荀本侯國也又晉荀林父以邑爲氏

丙氏有二邴豫之後或去邑作丙又李陵降匈奴裔孫  
歸魏見丙殿因賜氏焉

蔦氏有二蘧章之後亦作蔦以邑爲氏晉士蔦之後以  
字爲氏

裴氏有二秦非子支孫封裴鄉以鄉爲氏又西域有裴

氏

孫氏有三衛公子惠孫之後以字爲氏又楚有芊姓之  
孫齊有嬀姓之孫皆以字爲氏

南氏有三衛公子郢字子南其後爲南氏又楚有子南  
氏亦爲南氏並以字爲氏者晉有南氏以鄉爲氏  
國氏有二鄭子國之後以字爲氏姬姓也齊有國氏姜  
姓也

孔氏有三宋孔父嘉之後也又衛有孔氏爲世卿鄭亦  
有孔氏皆以字爲氏者

董氏有二董父之後以字爲氏又有陸終之子參胡姓

董以姓爲氏

成氏有二楚若敖之後以字爲氏又周有成氏

孟氏有二魯慶父之後爲孟氏又衛公孟縶之後亦爲孟氏

仲氏有二魯慶父曰共仲之後爲仲氏又宋莊公之子子仲之後亦爲仲氏

叔氏有四魯叔牙之後魯文公之子叔盼之後八凱叔達之後晉叔向之後並以叔爲氏

季氏有二魯公子季友之後也又陸終之子季連亦爲季氏



伯氏有二晉中行伯之後也或言伯益之後亦爲伯氏  
士氏有二隰叔爲晉士師以官爲氏又有士季氏之後  
以字爲氏

山氏有二烈山氏以山爲氏而周有山師之官以官爲  
氏

王氏有四有姬姓之王有媯姓之王有子姓之王有虜  
姓之王姬姓之王有二族媯姓之王有一族子姓之  
王有一族虜姓之王有四族

任氏有三黃帝二十五子得姓爲任者其後以姓爲氏  
又顓帝少子陽封於任其後以國爲氏又任爲風姓

之國太昊之後也亦以國爲氏

偃氏有二有偃氏之國後爲偃氏又皐陶之後姓偃亦以姓爲氏

宣氏有二魯叔孫僑如諡宣伯與宋宣公之後並以諡爲氏

稷氏有二后稷之後有稷氏漢稷嗣君叔孫通支孫亦爲稷氏

改氏第二

婁氏項氏漢並賜劉氏

酈食其曾孫漢賜以食其爲氏元孫武平帝時爲侍中

通志卷三十一  
復改侍其

晉州稽胡晉初賜呼延氏

項氏後周賜辛氏

獨孤屯本姓李從齊神武沙苑戰敗爲柱國獨孤信所

擒配爲士伍賜獨孤氏

章仇禿髮氏歸後魏太武賜源氏

章仇大翼隋煬帝賜盧氏

唐傳遊藝賜武氏

唐徐氏以勣邠氏以元絃安氏以抱玉杜氏以伏威胡氏以大恩弘氏以播郭氏以子和麻氏以延昌鮮于

氏以叔明安氏以元諒張氏以寶臣阿希布氏以懷  
遜阿跌氏以光進舍利氏以奉國董氏以忠臣羅氏  
以德雋以藝朱邪氏以國昌並由立功賜李氏從國  
氏也

桓庭昌唐上元淮制改爲姜

暨佐時唐上元淮制改爲周

嬀氏改爲姚氏

袁氏改爲衡氏

裴氏改爲壘氏

羊舌氏改爲吉氏



姑氏改爲羊氏

閻氏改爲盧氏

辛氏改爲計氏

鐵伐氏赫連勃勃以其本宗支庶非正統並爲鐵伐氏  
氏氏孔融譙氏儀以氏字民無上遂改爲是氏

梁鴻氏改爲運期氏

馬天氏改爲馬官氏

渾沌氏改爲屯氏去水

屈全之裔孫仕後魏以自南方乃加南或作男

謝服爲鴻臚卿後漢末出征嫌其名姓不祥乃改爲射